

## Ileqquusumik ataatsimeersuarnermit imaqarniliaq

Nasdaq OMX Copenhagen-imut

25. marts 2020

Ingerlatseqatigiiffiup nalunaarutaa nr. 07/2020

## GrønlandsBANKEN-imi ileqquusumik ataatsimeersuarnerup ingerlanera

GrønlandsBANKEN-ip ullumikkut ileqquusumik ataatsimeersuarneq ingerlappaa, ileqqoreqqusat aamma ataatsimiigiaqqussut naapertorlugit.

Corona-virusip (COVID-19) ulorianartorsioritsinera pissutigalugu aningaaseriviup aktiaatillit ataatsimeersuarnermut takkutinnginnissaannik kajumissaareersimavai, kisiannili ataatsimiinnissaq sioqqullugu piginnaatitsissummik tuniseqqullugit. Ataatsimiinnermut aktiaatillit 0-it takkupput. Aningaaseriviup aqutsisunit peqataapput siulersuisuni siulittaasoq Gunnar í Liða (videokkut), siulittaasup tullia Kristian Frederik Lennert aamma aningaaserivimmi pisortaq Martin Kviesgaard.

Ataatsimeersuarneq taasinernik 915.401-nik takutitsivoq, taakkunannga taasinerit 587.044-t siulersuisunut piginnaatitsissutit tunniunneqarput, taasinerillu 328.357-it ilitsersuutitalimmik piginnaatitsissutaallutik.

1. Siulersuisuni siulittaasoq Gunnar í Liða ukiumi qaangiuttumi aningaaseriviup sulinera pillugu siulersuisut nalunaarutaat saqqummiuppaa. Siulersuisut nalunaarutaat tusaatissatut tiguneqarpoq.

Siulittaasup nalunaarutaa aamma ataatsimeersuartut oqaluuserisaasa allanneqarneri aningaaseriviup nittartagaani takuneqarsinnaapput [www.banken.gl](http://www.banken.gl)

2. 2019-imut ukiumoortumik nalunaarut siulersuisunit ataatsimeersuartut akuerisassaattut inassutigeqqaarneqartoq saqqummiunneqarpoq. COVID-19 pillugu pisup kingunerisaanik aktiamut iluanaarutissat 0 kr.-inngortinnissaa pillugu siunnersuutip allanngortinnera pissutigalugu kiisalu fondsbørsimut nalunaarummi nr. 06, 18. marts 2020-meersumi nalunaarutigineqartut naatsorsuinnermi kisitsisit allanngorneqarput. Naatsorsuutit kisitsisitali allanngortinneqartut ilanngussaq 1-imi takutinneqarput. Naatsorsuutit, t.kr. 129.918-inik sinneqartoormik, nammineerluni aningaasaatinik t.kr. 1.077.676-inik aamma t.kr. 7.089.915-inik oqimaatigiinnermik takutitsisut, taamaasillutik akuersissutigineqarput ataatsimiinnermi saqqummiunneqarnerisut, ilanngussaq 1 tassani eqqarsaatigineqarluni. Siulersuisunut aamma aqutsisunut ukiup naatsorsuusiorfiup akisussaaffigiunnaarnera nalunaarutigineqarpoq. Siulersuisut akissarsiassaani allannguisoqanngilaq, tamannalu akuerineqarpoq. Siulersuisut sinneqartoortunik atuinissamat imaluunniit annasaqaatinik matussusiinissamat siunnersuutaat akuerineqarpoq, matuma ataani COVID-19 pillugu pissutsit immikkut illuinnartut tunngavigalugit iluanaarutisiassanik tunniussinnginnissaq pillugu siulersuisut inassuteqaataat.

3. Aningaaseriviup aktiaataanik pisinissamat piginnaatitsissut pillugu siulersuisut siunnersuutaat akuerineqarpoq.

4.1. Aktiaatillimmit Kim Pedersen-imit siunnersuut:

Siulersuisunut kajumissaarutigineqarpoq nammineq aktiaatinik pisinissamat piginnaatitsissummik atuinissaq, tamatumani naliusup/ilumi naliusup 1,00 ataappagu. Piumasaqaataavoq aningaasaatinut piumasaqaatinik aningaaserivik unioqquitsinani pisinerup pisinnaanissaa. Aalajangiisoqarnissaata tungaanut siulersuisut kajumissarneqarput, aktiaatit pisiarisat aningaaseriviup nammineq uninngasuutaani uninngatiinnarneqassasut.

Siunnersuuteqartoq COVID-19 pillugu pisoq tunngavigalugu nammineerluni ataatsimeersuarnermut takkussinnaangimmat, siunnersuutigineqartumut tunngavilersuutigineqartoq ilanngussaq 2-tut ilanngunenqarpoq.

Siulersuisut siunnersuummut saqqummiunneqartumut oqaaseqaataat ilanngussaq 3-tut ilanngunenqarput. Siunnersuummut 60.216 taasinerit isumaqataapput, taasinerillu 855.185 akerliupput. Taamaattumik siunnersuut akuersissutigineqanngilaq.

4.2. Aktiaatillimmit Kim Pedersen-imit siunnersuut:

Siulersuisut kajumissaarneqarput, ileqquusumik ataatsimeersuarnissap tullia sioqqullugu BankNordik-ip siulersuisuinut attaveqassasut, misissorniarlugu kattunnissamut tunngavissaqarnerseq imaluunniit aningaaseriviit akornanni naligiimmik tunngaveqartumik pisussaaffiliisumik allatut suleqatigiilernissamut tunngavissaqarnerseq.

Siunnersuuteqartoq COVID-19 pillugu pisoq tunngavigalugu nammineerluni ataatsimeersuarnermut takkussinnaanngimmat, siunnersuutigineqartumut tunngavilersuutigineqartoq ilanngussaq 4-tut ilanngunneqarpoq.

Siulersuisut siunnersuummut saqqummiunneqartumut oqaaseqaataat ilanngussaq 5-itut ilanngunneqarpoq. Siunnersuummut 60.216 taasinerit isumaqataapput, taasinerillu 855.185 akerliupput. Taamaattumik siunnersuut akuersissutigineqanngilaq.

5. Piffissamut ukiunut marluusunut siulersuisunut qinigaaqqipput Kristian Frederik Lennert, Maliina Bitsch Abelsen aamma Peter Angutinguaq Wistoft.

Taakku saniatigut siulersuisunut ilaasortaapput Gunnar í Liða aamma Christina Finderup Bustrup aamma Lars Holst kiisalu ilaasortat sulisunit toqqarneqartut Yvonne Jane Poulsen Kyed, Malene Meilfart Christensen aamma Niels Peter Fleischer Rex.

Siulersuisuni inissipput Gunnar í Liða siulittaasutut aamma Kristian Frederik Lennert siulittaasut tulliattut.

6. Deloitte, Statsautoriseret Revisionspartnerselskab ukiumut 2020-mut kukkunersiuisutut toqqarneqaaqqippoq.

7. Sammisani allanik suliassanik soqanngilaq.

## **GrønlandsBANKEN**

Gunnar í Liða

Siulersuisuni siulittaasoq

Ilanngussaq 1:

**2019-imut iluanaarutisioqannginnissaa pillugu ataatsimeersuarnermi aalajangiinerup kingunerisaanik ukiumoortumik nalunaarummi il.il. allannguutit - t.kr.-inngorlugit**

***Inernerit naatsorsorneri***

	<b>2019-imut ukiumoortumik nalunaarusiaq naapertorlugu</b>	<b>Iluanaarutitaqanngitsumik iluarsisaaq</b>
--	--	--

2019-imi ukiumoortumik inernerit akileraaruteqarnani	150.500	150.500
Akileraarutit	<b>-20.582</b>	<b>-20.582</b>

Ukiumi inernerusoq	<b>129.918</b>	<b>129.918</b>
--------------------	----------------	----------------

***Angusat qanoq atornissaat***

Qulaaniittut naapertorlugit ukiumi inernerusoq	129.918	129.918
--	---------	---------

Iluanaarutisiassatut siunnersuutaasut	54.000	0
Imminerisamik aningaasaatinut illikartitat	75.918	129.918

<b>Katillugit atorneqarput</b>	<b>129.918</b>	<b>129.918</b>
--------------------------------	----------------	----------------

***Tamakkiisumik isertitat naatsorsorneri***

Qulaaniittut naapertorlugit ukiumi inernerusoq	129.918	129.918
Tamakkiisumik isertitat allat katillugit akileraareerluni	2.599	2.599

<b>Ukiumi tamakkiisumik isertitat</b>	<b>132.517</b>	<b>132.517</b>
---------------------------------------	----------------	----------------

***Pigisat nalillit***

Pigisat nalillit katillugit	<b>7.089.915</b>	<b>7.089.915</b>
-----------------------------	------------------	------------------

***Akiitsut***

Akiitsut katillugit	5.917.662	5.917.662
Pisussaaffigisanut illikartitat katillugit	94.577	94.577

Aktiatut aningaasaatit	180.000	180.000
Naleqarneruliissutit illikartitat	31.706	31.706
Sinneqartoorutit nuunneqartut	811.970	865.970
Iluanaarutisiassatut siunnersuutaasut	54.000	0

<b>Imminerisamik aningaasaatit katillugit</b>	<b>1.077.676</b>	<b>1.077.676</b>
---	------------------	------------------

<b>Akiitsut katillugit</b>	<b>7.089.915</b>	<b>7.089.915</b>
----------------------------	------------------	------------------

***Imminerisamik aningaasaatit naatsorsorneri***

	<b>Aktiatut aningaasaatit</b>	<b>Naleqarneruliissutit illikartitat</b>	<b>Sinneqartoorutit nuunneqartut</b>	<b>Iluanaarutisiassatut siunnersuutit</b>	<b>Immi aning ka</b>
--	-------------------------------	--	--	---	------------------------------

***2019-imut ukiumoortumik***

***nalunaarut naapertorlugu***

Iluanaarutisianik tunniussereerluni 2019-ip aallartinnerani imminerisamik aningaasaatit	180.000	29.092	736.067	0	
Tamakkiisumik isertitat allat		2.614	<b>-15</b>		
Ukiumi angusat			75.918	54.000	

<b>Imminerisamik aningaasaatit 31.12.2019</b>	<b>180.000</b>	<b>31.706</b>	<b>811.970</b>	<b>54.000</b>	
---	----------------	---------------	----------------	---------------	--

***Iluanaarutitaqanngitsumik iluarsisaaq***

Iluanaarutisianik tunniussereerluni 2019-ip aallartinnerani imminerisamik aningaasaatit	180.000	29.092	736.067	0	
Tamakkiisumik isertitat allat		2.614	<b>-15</b>		
Ukiumi angusat			129.918		

<b>Imminerisamik aningaasaatit</b>				
<b>31.12.2019</b>	<b>180.000</b>	<b>31.706</b>	<b>865.970</b>	<b>0</b>

**Aningaasaatit tunngaviusut**

	<b>2019-imut ukiumoortumik nalunaarusiaq naapertorlugu</b>	<b>Ilunaarutitaqanngitsumik iluarsisaaq</b>
Imminerisamik aningaasaatit	1.077.676	1.077.676
Ilunaarutit, naatsorsuutiniik sunnerneqartut	-39.690	0
Mianersortumik nalimik inissiinermut ilanngaat	-1.531	-1.531
<b>Aningaasaatit tunngaviusut</b>		
<b>31.12.2019</b>	<b>1.036.455</b>	<b>1.076.145</b>

Ilanngussaq 2:

**Namineq aktiaatinik pisinissaq pillugu siunnersuuteqartup oqaaseqaatai.**

Aningaaseriviup aktiaasa nalingat ukiuni kingullerni appariartuaarsimavoq, maannakkullu ilumi naliusumit appasinnerugaatsiartumik inissisimalluni. Ukiut 5 kingumut isigissagaanni, aktiat 30 % sinnerlugit appariarsimapput. Appariarneq pivoq aningaaserivik maannamut pitsaasumik aamma qajannaatsumik isertitaqaraluortoq kiisalu imminerisamik aningaasaatit qaffakkiartoraluurtut.

Peqatigitillugu aningaaseriviup iluanaarutisariatittagai siornatigumut sanilliullugu appariarnikuupput, maannalu ukiumut naatsorsuorsiorfiusumut 2019-imut atorunnaavissagunarlutik. Tamanna siunissami aktiat nalinganut appartitseqqinnerussasutut naatsorsuutigineqassaaq, niuerfimmi maannamut aktia aktiatut qajannaatsumik iluanaarutaasartutut isigineqarsimammat.

Siunnersuuteqartoq isumaqarpoq, aningaaserivik maannakuugallartoq naammaginartumik patajaatsumik inissisimasoq, minnerunngitsumik suliaqarfimmut nalinginnaasumik sanilliukkaanni. Siulersuisut pingaarnertut suliassaraat aktiaatillit soqutigisaat pisinnaatitaaffigisaat isumagissallugit, aningaaseriviup aktiaatillinnut naleqalersinneqarnissaata anguniarneratigut.

Aktiat pisariaqarpat tunineqaqqissinnaasariaqarput, siunissami aningaaserivimmut iluaqutissaasinnaasumik. Aningaaseriviup siunissami ungasinnerusumi iluanaarutitik akiliinissamut periarfissai pitsanngoriartarput, namineq aktiaatinit iluanaarutit aningaaseriviup namineq karsianut uteqqittarpa.

Ilanngussaq 3:

**Grønlandsbankenip siulersuisuisa siunnersuummut oqaaseqaataat inassuteqaataallu:**

- Aningaaseriviup maannamut ingerlaavartumik namineq aktiaatinik tunisinermi niuernermi naliusumut, siunnersuuteqartumit nassuiarneqartutut iliortarsimapput, piffissanilu periarfissaq atortarsimallugu.
- Aningaaseriviup aktiaatillit soqutigisaat siunissaq qaninneq ungasinnerlu eqqarsaatigalugit isumagissusaavaat, siulersuisut isumaqarput tamanna pilerinartumik pissarsiassaqaqarnermik aamma iluanaarutinit cash-flow-eqarnerannik naatsorsuuteqarnermik oqimaaqatigiissitsinikkut pitsaanerpaamik pisinnaasoq. Matumani aamma oqartussaasut maanna aamma siunissaq ungasinnerusoq eqqarsaatigalugu nalinik aningaasannortitsinissaq pillugu naatsorsuutaat, niuernermik ineriartortitsinissamut aningaasanik pisariaqartitsineq eqqarsaatigineqassapput, aamma eqqarsaatigineqassaaq aningaaseriviup sullitaasa aningaaserivimmiittuutillit aningaaseriviup qajannaatsuunissaanik naatsorsuutaat.
- Siulersuisut aningaaseriviup namineq aktiaataanik uninngasuutitik pisinissamut imaluunniit paarsiinnarnissamut pisussaaffilerneqarsinnaanngillat, aningaaseriviup siulersuisuisa tassa aktiaatiliunngitsut, aningaaseriviup ingerlannera aamma aningaasaqarnikkut pissutsit akisussaaffigimmagit.

Tamanna tunngavigalugu siulersuisut inassutigaaat siunnersuut itigartinneqassasoq.

Ilanngussaq 4:

**BankNordik-imut attaveqarnissaq pillugu siunnersuut pillugu siunnersuuteqartup oqaaseqaatai**

Isiginniffiit arlallit ersersippaat kattunnissaq assigisaaluunniit siunertamut tulluarsinnaasoq. Makkuusinnaapput:

-Ingerlatsinerup pitsanngorsarnissaanut atatillugu sunneqatigiinneq, taamaasillunilu atortunut, assersuutugalugu IT-mut, compliance-mut il.il. sipaaruteqarneq.

-Aningaasaatit tunngavigisat katillugit nukittorsarneri, ataasiakkaanik aningaasaliinissanik annerusunik isumaginninnissamut akiliisinnaassutsimut piumasaqaatinik unioqqutitsinngitsumik periarfissiisumik, taamaasillunilu niuernerup ataatsimut annertussusaanik annertusaasinnaasumik. Peqatigitillugu sullitanut ataasiakkaanut aarlerinaatinut sanngiitsumik inissisimaneq annikillissaaq kiisalu nunap immikkoortuini aningaasaqarnikkut ineriartormik pinngitsuuisinnaannginneq annikillissalluni.

-Sillimmasiinerit, soraarnerussutisiat aamma illunik tunisinermi akunniliulluni sullissinerup iluani BankNordik-ip suliareriigaani niuerfinnik nutaanik ilanngussineq.

- Aningaasalersuinerimik oqilisaaneq, akikillitsineq aamma qulakkeerinninneq, aamma NEP-mi piumasaqaatinik eqqortitsisoq, kiisalu maanna Grønlandsbankip aktiaataanik pilerinamerusumik aktiamillu tigorianaanamerusumik pilersitsineq.

-Atlantikup avannaani aningaaserivimmik nukittuumik pilersitsineq siunissami piumasaqaatinik eqquutsisisinnaasoq, piginnaasanik pilersitsisinnaasoq, sulisunik piukkunnaatilinnik qammaasinnaasoq kiisalu taamaasilluni attaveqatigiinnerup, takornariaqarnerup, aalisarnerup aamma inuussutissarsiuutinik ineriartornissamut aningaasanik pisariaqartitsisut iluanni, minnerunngitsumillu Kalaallit Nunaanni mittarfiit nutaat 2023-mi piareerpata ineriartormik tapersersuineq.

BankNordik-ip kattunneq naligiissumik tunngaveqartoq kissaatigissanngippagu, BankNordik-ip Savalimmiuni suliaanik pisineq periarfissaasinnaavoq. BankNordik-ip Danmarkimi immikkoortunut atassuteqaataa Grønlandsbankenip qitiusumik niuerneranit annikinnerugunarpoq, Danmarkimili aningaaseriviit allat matumani soqutiginnissinnaapput.

BankNordik-ip Kalaallit Nunaani suliaanut atatillugu immaqa taakku tiguinissaat itigartinneqarsinnaavoq, unammilleqatigiinneq pillugu inatsit tunngavigalugu.

Ilanngussaq 5:

**Grønlandsbankenip siulersuisuisa siunnersuummut oqaaseqaataat inassuteqaataallu:**

- Grønlandsbanken-ip siunertaraa Kalaallit Nunaanni aningaaserivimmik ingerlatsinissaq, Savalimmiuniunngitsoq.
- Siulersuisut isumaqarput, Grønlandsbanken-imi aktiaatillit soqutiginnittullu allat suli pitsaanagerusumik inissisimassasut, aningaaseriviup ilisimaariffiginerpaasaminik, tassa kalaallini inuiaqatigiinni aningaaserivimmik ingerlatsinermik, aningaaseriviup ukkatarinnippat.
- Aningaaseriviup ukiut arlallit ingerlanerini nunani allani aningaasaliisartut suleqatigalugit ingerlaavartumik ataasiakkaanik aningaasaliinernik annerusunik isumaginnittarnikuvoq.
- Aningaaserivik nioqqutissaateqarpoq, Kalaallit Nunaanni periarfissat eqqarsaatigalugit, pissutsinik siunnersuuteqartup taasaanik matussusiisunik.

Tamanna tunngavigalugu siulersuisut inassutigaat siunnersuut itigartinneqassasoq.